

virtus morumque integritas, mirè Heisterbaci eluxit, quando frugalitate vitæ, verâ patientia, religiosâ asperitate, & per insignem suâ mundique contemptum, ad virtutis Fastigium ita enisus est, ut solum virtus, totus demissio haberetur. O pulchram sanè & familiarem Sanctis artem, per humilia alta petere! Sic Comitem ipse in terris abijciens, in Cælo Regem induit. Ex M. SS. Heister.

APRILIS.

Die I.

KAlendis huius terras deseruit THEODORVS à Lurecke, naturæ gratiæque opibus planè insignis; qui Canonicatu Bonnenfi relicto, totâ mente Heisterbaci humilem Cisterciensium vitam regulamque amplexus est. Tentationibus pulsatus, age anime, aiebat; sanctè pugnemus ut dulcissimo IESV Cordi vel sic iucunditatem, quam possumus, pariamus; dignus est IESVS, pro quo aspera omnia perferamus. Rarâ cibi parsimoniâ ad decrepitam usque ætatem usus: Documento mortalibus relicto, frugalitate vitæque Religiosæ asperitate non minui annos, sed augeri. Iamque *Cali delicijs sine fastidio satur sibi DEOQUE porro victurus. Ex eius loci Necrologio.*

II.

IN Frauenkirchen apud Riparicos, B. GENOVEVÆ Comitissæ Palatine, quæ ex voto DEIPARÆ emisso

emisso, filium enixa est, SIFRIDO marito in Syria contra Saracenos agente. Interea Galo, aulæ Princeps minister, qui incassum sæpius GENOVEVÆ pudicitiam expugnare laborabat, scelus scelere tegens, apud SIFRIDVM Palatinum è bello regressum, GENOVEVAM in suspicionem adduxit prolis ex alieno thalamo susceptæ, ipsam castimoniam ac virtutem, velut ream facturum. In qua delatione obcæcatus Sifridus, & Matrem & Prolem e medio tolli imperat. sed mitiores Domino famuli, densissimæ silvæ latebris utrumque occultârunt. Vbi quinquennio extremâ in opiâ herbis & cervæ oblequiosæ lacte vitam trahentes, â venante SIFRIDO non sine DEI nutu reperti receptique sunt, insigni omnium applausu. Golone verò, dignâ morte sublato, GENOVEVÆ rogatu, Palatinus Sifridus elegans in medio Silvarum Sospitatrici VIRGINI sacellum erexit, quod Coniugalem Genovevæ castitatem hodie dum loquitur; sic nimirum mortalium rerum vicissitudine, leta tristibus, tristia rursus lætis temperantur. Ex Freibero, Ericio Puteano & Molano de SS. Belgij.

III.

S Acrarium Neoburgense festivo cultu proponit

CAPVT

CAPVT B. M. MARGARITÆ Virginis, quæ virtutis odorem longè, latèque spargens, ad nos sanctitatis suæ radios transmisit. Corpus duriter habebat; cubile terra, cilicium culcitra, deliciæ panis & fons; demum clarissimorum parentum heres quidquid ab ijs obtinuerat, hilari dein manu in pauperes effudit. quibus alijsque *virtutibus dives* hac MARGARITA, cælo amata, terris erepta est. *Ex sacrarij monumentis.*

III.

IN *Arce Volmundstein* sollemnis commemoratio venerabilis *Hostiæ* EVCHARISTICÆ, & multis retrò seculis *miraculosa.* *Ex Ap. Gel. & Annal.*

IV

ENGELBERTVS ex MARCANORVM Comitum profapia anno à Christo nato 1345. tenuit *sedem* LEGIAM PRINCEPS *Illustrissimus*, prudentiæ laude maximus; morum non minùs maiestate, quàm humanitate venerandus; summus apud alios, apud se nullus; in primis pius ac metuens DEI. Quibus virtutibus *Pontifex* captus, allectaque *Colonia* communibus calculis

ac votis

ac votis *Archiepiscopalem ei Mitram obtulere,*
 quâ admiffâ statim *Politico Ecclesiasticôque statui*
 ita consulebat, vt omnibus esset Charus, Hero-
 icase eius virtutes suspicerent vniuersi, cuius lem-
 ma erat: *summa Voluptas est voluptatibus caruisse.*
 quare eâ contemptâ dum ad cælestes volupta-
 tes (de Patria & Ecclesia optimè meritus) to-
 to affectu anhelat, morbo nec diuturno, nec
 gravi, sed languore consumptus ad eas tanquam
 laborum præmia evolavit, anno ab orbe redem-
 pto M. CCC. XCV. Mortuum vrbs & patria
 vniuersa magnis exequijs honorauit & fleuit:
 & Colonix more maiorum tumulatus, nos ex-
 emplo suo monens, *ut cum eo de infinito fine vi-*
uentes serio cogitemus, ut infinite vivamus. Chron:
 Colon. & Gloria R. P. Lobbetij.

V.

LUDOVICVS Comes à Ravensberg Episcopus Os-
 nabrugensis 33. vir sapiens, raræ modestiæ ac
 mentis infractæ, quâ animatus frequenter in
 Ecclesiæ suæ hostes arma movit; & cum iisdem
 plurimis prælijs attritis, demum plenâ acie fe-
 liciter concurrens, omni Osnabrugensi ditione
 suâ expulit, plurimisque possessionibus Eccle-

L

siam

fiam suam auxit. Tandem providentiâ Dei, (per vias nobis ignotas ambulante ac procedente,) â proprio & incauto seruo vulneratus, anno regiminis 12. maximo peccatorum dolore, sacris omnibus munitus inter IESV & MARIÆ salutifera nomina dulcissimè expiravit, in sua Ecclesia ante Aram Principem sepultus. Vir heroicâ, ac Apostolicâ planè fortitudine inclytus, nec animi demissione minor, quàm eminens Ecclesiasticâ dignitate. *Chron. Osnab.*

VI

THEODORVS de *Goch* vir nobilis & prudens, *Misniensium Cathedram* ascendit, eamque ordine *Vigesimus Nonus* tenuit; nec quidquam aliud, nisi *Patrem Patrie* audijisse, & fuisse, avara nobis de ipso consignavit antiquitas, familiare illi vitium. *Chron. Eccles. Misn.*

S. BALDERICVS *Stirpe* & *Domo* CLIVIVS, Cleri, Nobilitâtis, Populique incredibili consensu, *ULTRAIECTINÆ Cathedra* impositus est, Præsul in ordine *Decimus Quintus*, cuius gloriosa facinora & imitationem nobis sustulit invidiosa seu incuria antiquitas, quæ de ipso nisi mortem A. Christi. 977. obitam & præter nomen, nihil

nihil reliquit: Similemque negligentiam & errorem in eiusdem *cognato* BALDVINO CLIVENSI Comite designans, cuius solum ex orbe hoc discessum sub annum D.CCCCXCVI memorat, adiuciendo *Præsulem Vltraiectinum* in ordine XVII sedisse. *Buccl. Chronicon.*

IX.

CASTROMONTII depositio illustrissimæ viduæ Comitissæ WALDETRVDIS, quæ sancti DENTILINI *Resse* in *Clivia* quiescentis, aliorumque *trium Sanctorum FILIORVM MATER* viduis omnibus Christianâ submissione, patientiâ; mansuetudine venerabilis extitit. Gloriosæ cæli Reginae suprâ quàm satis explicari possit, addicta. Familiare illi fuit Beatissimam Virginem novies verbis Angelicis salutare, in honorem novem mensium, quibus Christus in *eius utero* habitavit. Eiusdem etiam Matris patrocinio vitam omnem ab omni lethali noxa immunem duxit. Mors illius plenissima fuit tenerrimæ pietatis, à Deo etiam miraculis honorata. *Ex Canis,*

X.

ANNO Comes de *Blanckenberg* virtute & eruditione nobilissimam suam gentem ornans:

vir Deo & hominibus dilectus, *Lipsanorum Sanctorum indefessus conquistor*, sextus & vigesimus Cathedralis Ecclesiæ *Mindensis Episcopus*, cum sanctissimè annis aliquot rexisset, placidissimè in Domino quievit, cuius familiare symbolum erat; *Passus malum ignosce, ne duo mali sitis.* Ex *Chron. P. Bucel.*

XI

Vetus & verum est proverbium *fugientem, non ambientem sequi famam*, gloriam & honorem: quod suo illustris *WILHELMVS Dynasta de Genep* Exemplo abundè confirmat; quem *reluctantem V BIA ad sedem Archiepiscopalem raptum*, *L VIII.* Antistitem creavit. sic

Qui fugit, ille tenet; qui petit ille caret.

Erat is Præsul morib' & virtutib' eximi', in divinis tractandis cultissimus, & animus illi ad magna erectus, quo concitatus commissum sibi gregem fidelissimè pascere satagebat; neque totius illius vitæ cursus alius fuit nisi unicus cum vigili hoste conflictus. Mensa illi Principalis, sed frugi, & non prodiga; Aula admodum honesta, sed cultu modesta; Recreationes eius frequentes, iucundæ & fructuosæ, non pretiosæ, quo

fiabat

fiabat ut tanquam servus fidelis & prudens, super Domini familiam constitutus neque sibi, neque alijs gravis neruo colligendo fieret. Hinc sancta sine fundo liberalitas, nosocomia, templa, egenos, fidei Prædicatores, religiosâsque Familias erexit, quorum beneficiorum nulla aut immemor, aut ingrata erit posteritas, Historia loquetur, & quod unicum illi votum erat, Numen æterno præmio pensabit. *Buc. Ex Chron.*

XII.

WALRANVS Comes à MOERS, Sanguine rerum gestarum gloria bellôque pro Diœcesi suâ Monasteriensi suscepto, orbi notissimus: quod legitimâ Electione 43. Antistes contra ERICVM ab Osnaburgensi sede deiectum, electus alere, necessitas, non voluptas compulit; Hic enim cum nullo jure aut titulo colorato WALRAMVM legitimum Monasteriensem Episcopum manu armatâ è sacra S. LVDTGERI sede deicere tentaret, ita arte & Marte impetus eius fregit WALRAMVS, ut hominem iniquâ spe deiectum ad pacis condiciones sancendas compelleret, fatius esse ratus ad Provincialium sanguinem evitandum, & clades Patriæ auertendas deteri-

orem bello pacem constituere, quàm ferro, flammisque innocentes perire: licet minimè deessent, qui pacem hanc eius ignaviæ adscriberent, audacia, callidâque consilia suadentes, omnem belli vim ac potentiam in linguis sitam existimantes, quorum ille mores, & sermones *nam in Principibus virtute rectâ conscientiam sustinens, suis reponebat: hæc vulgi trivialia. Scommata à regentibus spernenda; quod juxta tritum illud: Deesse robur arguit dicacibus: populum plus loquentie, quàm sapientia circumferre; peioris & vilioris indolis arma censei, gloriosa loqui & fructuosa non agere adversus innocentem: hoc posse detractores, calumniatores & emulos, quod adversus solem potest nebula:* quibus attonitis omnibus, sapienter prolatis, pace subditorum commodo firmata, animam ad publica adjecit Tempora, Pagos, Munimenta incendijs ferro, rapinis destructa, & eversa suis maximè impendijs reparando; Provincialibus militum direptionibus exhaustis, profusâ manu succurrendo; Partiarios seu infessores viarum, mercatores gravi damno afficientes è medio tollendo, omniâque ita prudenter ordinando, ut pax (antea ei vitio data) virtuti laudique tribueretur, *miro à Patria universa obsequio*

quo & affectu cultus. Iustitiæ quoque erat tenacif-
 fimus, viduarum & pupillorum Tutor eximius,
 tenuioris fortunæ & egentium indefessus Atlas
 ac Pater. Et quoniam bonorum laborum glori-
 osus est fructus, reddet in magnâ & decretoriâ
 illâ die plene ei mercedem DEVS; cuius ho-
 norem pia eius liberalitas potissimum spectavit
 Dolorum, quos acerrimos patiebatur. Condi-
 mentum fuere cælestes deliciae, quibus perfundi
 se sentiebat, in illa Iobi crebro resolutus: *Hac
 mihi sit consolatio, ut affligens me, dolore non parcat.*
*Quibus sæpius repetitis, Patribus suis Episcopis in
 prima Aede appositus Redemptorem, judicemque pro-
 pitium expectat. Bucel. in Germania sancta.*

XIII.

TUITII beatus transitus FVLBERTI Abbatis
 viri multarum virtutum, & artium qui à
 religionis ingressu, totâ mente Deo affixus cæ-
 lestem in terris vitam duxit, cibo vescabatur
 sine oleo, sine sale, ne palato placeret. Inter oran-
 dum duo agebat, potissimum: *alterum*, ut quid-
 quid ageret divinæ gloriæ in sacrificium daret;
alterum, ut gratiam sibi fratribusque obtineret
 iuxta vocationem ritè vivendi. *Magnam quoque Dei
 Matrem*

Matrem ad extremū vsque halitū ita constanter prædicavit & coluit ut glorioso planè Cognomento Divæ Mariæ Doctor sit appellatus. Ex Annal. Tuit.

XIII.

EVERHARDVS MARCKANI *sanguinis Heros, alternantibus huius mundi bonis & malis eruditus, mentis oculum in DEI omnia videntis ac vindicantis oculos pavidè circumferre solebat, sæpius familiaribus suis illud B. BERNARDI ingeminans: qui pavet, cavet: qui negligit, incidit. Quo salutari timore ita mores, vitamq; instituit, ut à Leone X. purpurâ merito suo donatus sit; insigni Animarum, Patriæque Leodiensis bono; quod etiamnum loquuntur erecta ab illo posteris monumenta, à quibus circa prope Leodium secula vidit ac vixit. Demum à CLEMENTE VII. VALENTINVS Episcopus LEGATUSQUE à latere creatus est, cirâ annum Christianum MDXXI. quibus augustissimis titulis oneratus potiùs, quam ornatus, soli Deo gloriam tribuens, Iesûque nomen ingeminans exspiravit, Patribus suis dignè appositus. Chron. Leod. Eccles. P. Lobbet.*

XVI.

VRBS *Santensis, situ Basilica, clero illustris, celebrat*

celebrat in terris ignoti, *Cælo tamen noti Martyris aduentum; cuius gloriosam inventionem regnante Archiepiscopo Coloniensi PHILIPPO Heinsbergio mirabilem narrant. neque plura annales sic*

Sapius Ignoti virtus sine teste laborat.

Ex apparatu Geleniano.

XXII.

HOc die gloriosum agonem confecit *Glad-*
hbaci B. WOLPHELMVS nobilissimis copio-
sissimisque *Parentibus Tumulto & Evexâ* natus,
qui splendorem natalium à bonis artibus, ma-
ximâ deinde à virtute usque adeò accendit, ut in-
ter *summe adis S. PETRI COLONIÆ* Canonicos
adlectus, eius *Ecclesia urbisque gaudium* haberetur
& esset. *Qui publicum cultum fauoremque per-*
tæsus, omnibus CHRISTI amori posthabitis, clam
TREVIROS profugiēs, apud S. MAXIMINVM Monachū
induit, tanto toti Coloniæ sensu, ut publicâ Archi-
præsulis HERMANNI auctoritate repetit Cognato suo
Henrico Abbat: S. Pantaleonis restituend⁹ fuerit,
qui dum solitudinis amantem, aulæque strepitu
ac visitationum frequentiam fatigari adverteret,
eundem Gladbacensi Abbatiæ ingenti eius loci emo-
lumento, præfecit. Vir fuit tantâ modestiæ sua-

M.

vitate

vitate amabilis vt ea, quæ in illius mente, at-
 que carne inerat integerrima virginitas, in vul-
 tu etiam religioſè composito, & caſtigatis ad
 omnem puræ modeſtiæ normam oculis legere-
 tur. Gladbaco Maiorum Auctoritate Bravvile-
 rium translatus ad Clotenſe Dominium à B.
 RICHEZA iſti Abbatix donatum, contra inſi-
 dantes aſſerendum, ingentes illi cum fratribus
 moleſtiæ fuerunt deuorandæ. Quibus tandem
 DEI beneficio *ſanctis que Familie precibus* ereptus,
 Berengarium Hæreſiarcham, veritatem Eucha-
 riſtiæ negantem prolixâ eruditâque Epistolâ
 ita iugulavit, ut ſpiritum ei animûmque omni-
 no eripuerit; multa ſanè, (quidquid contra fre-
 merent turbaréntque hæretici, doctè, religioſè,
 fortiter Colonia, ac per Germaniam ita geſſit
 ut *Beringarianæ hæreſis flagellum audiret.* Qui-
 bus ſanctis in laboribus, pauperum & pupil-
 lorum unicum aſylum, HENRICO eius nominis
ſecundo imperante Divinæ Gloriæ, ac boni Reli-
 gionis amantiffimus animâ corpore leniter ſo-
 lutâ, migravit in cælum. Multa nobilitas ho-
 norandis eius iuſtis interfuit, & ſacræ eius exu-
 viæ morbis plurimis ſaluti fuère. Lucem cæcæ
 Bravwelerianæ, claudo in Pulm greſſum, Ge-
 rolshouianæ

rolshouianæ feminæ artritide laboranti sanitate, & naufragis in Rheno vitam tulere. *Surius in vita eius.*

XXII.

ESSENDIÆ S. LVTRIDIS *Virginis*, B. PVSINNÆ *Sororis* genuinæ sanè illi, & moribus & sanctitate ita Germanæ, ut qui alteram, utramque nôrit. Corpuseius olim omnibus venerationi fuit, quod non ignorarent maiores nostri se beneficentia illius pluviam è Cælo infidentes agros elicere. *Ex tab. Patriæ.*

XXIII.

RESSA CLIVIÆ *Vrbs* ad Patrum usque memoriam in suburbano suo campo celebre olim egit *Festum S. Georgij*; quem memorant horridum & immanem Draconem signo Crucis precibusque extinxisse. Sacellum elegans (reliquijs translatis) nomini eius dicatum, bellorum cælique iniurijs excisum penitus iacet. *Ex Ann. pat.*

XXX.

SHILDEGARDIS B. RICHEZÆ *Palatine* consanguinea, *Filia* erat GEROLDI *Comitis* & *Bois.*

*Boice Prætoris, S. CAROLI MAGNI Coniux, & quâ tergeminos stirpis virilis CAROLVM, PIPINVM, LVDVICVM: & totidem muliebris, RATRVDIM, BERTAM, GISLAM suscepit. Divinis rebus perpetuò & Eleemosynis cum primis, alijsque virtutibus ita addicta ut omnes ad sui amorem excitaret; suâ se humilitate ita involvebat etiam illo in splendore famæ & generis vt insigni sanctitatis nomine inclaresceret. Rara illi dies præterfluxit, quâ nõ egenos Eleemosynâ recrearet. Singulis moriens in Gynæceo ita attemperatè pia sua monita suggerebat ut *Sanctam* ab excelsa virtutis existimatione appellarent. CAMPIDONENSIS etiam *Abbatia*, facilè Principalis Conditrix; gratiæ & naturæ donis excellens diuitem virtutibus animam cælo reddidit. *Bau: Sanc: in vit. Car. M.**

Neoburgi die arbitrariâ, in Aprili ad templum Ioshovensis collis Anno MCCCLXV. à *venerabili Domino ALBERTO* Episcopo Ecclesiæ Castoriensis, in honorem S. *Crucis* XI. Cal. Septem. consecratū, educitur Processio. *Cui præter Cineres S. Pancratij, & Molarem Dentem S. WILLIBALDI Episcopi Eistett.* imposuit insignem longitudine & latitudine S. *Crucis partē*, ut geminâ in charta & plumbo

& plūbo testatur inscriptio, quā, sub plus septua-
genario id loci Lutheranismō, in fracto altari,
cum alijs Reliquijs anno M. DC. XV. XIII.
die Mensis Octobris, Diuino beneficio reperit
postliminiō Parochus Catholicus cum Religi-
one sub idem tempus introductus. Eædem por-
rō Reliquiæ cum quibusdam alijs, de SS. Mar-
tyribus Achatio, Sulpitio & Aurelia, deque S.
Wolffgango à Reuerendissimo & Illustrissimo
Principe, ac Domino Ioanne Christophoro E-
piscopo Eistettensi anno reparatæ salutis
M. DC. XVIII. XXI. Maij, supplicatione indi-
ctâ comitantibus *Serenissimis Principibus* Populô-
que Neoburgensi, Feriâ secundâ Rogationum
in hoc templum S. Crucis & Omnium SS. dela-
tæ sunt: Qui benedicti in æternum & vltâ.

MAIUS.

III

SANFRIDVS ortus illustri Cliviorum DUCVM
sanguine, in Episcopum XVIII. *Vltraiecti-*
ne Ecclesiæ, miro omnium consensu eligi-
tur. Morum sanctitate, in primis que in DEVM
ac SUPEROS Religione, *se familiamque suam illu-*
strans, eius studium ut augetet, nobilissimum